

Paasissutissiissut nakorsaait puuannut ilanngussaq

lisartakkat ijuminarsakkat Cetirizin Teva 10 mg

Cetirizindihydrochlorid

Paasissutissiissut una pingaarutilinnik imalik peqqissaartumik atuaruk.

Nakorsaait pitsaanerpaamik sunniuteqarnissaa anguniarlugu Cetirizin Teva-inik nakorsaateqarnissamut maleruaqqusat maleruaqqissaassavatit.

- Paasissutissiissut kingorna atorfissaqartilersinnaagakku toqqussavat
- Allani apequttissaqaruit nakorsaaiterisoq aperiuk
- Kingunerluuteqalissaguit matumaniluunniit allasimangitsunik kingunerluuteqaleruit nakorsaq nakorsaaiterisorluunniit attavigiuk.
- Matumanissaaq taaneqanngitsunik kingunerluuteqalissagaluaruit(imm. 4 takuuk) nakorsaq nakorsaaiterisorluunniit attavigiuk
- Nakorsaitinut ilanngullugu paasissutissiissut nutarterlaaq nittartakkami www.indlaegsseddel.dk -mi atuarneqarsinnaavoq.

Paasissutissiissutit imai

1. Sunniutaat atorneqarfissaallu
2. Atulersinnagit ilisimasassat
3. Atorneqarnissaat
4. Kingunerluutit
5. Sumiitinnissaat
6. Poortat imartussusaat paasissutissat allat

1. Sunniutaat atorneqarfissaallu

Cetirizin Teva nakorsaititaraa Cetirizindihydrochlorid.

Cetirizin Teva sapigaqarnermut nakorsaataavoq.

Cetirizin Teva inersimasunut meeqqanullu arfinillit sinnerlugit ukiulinnut:

- ukiup ilaani aalajangersimasumi ukiorluunniit kaajallallugu sapigaqarnermut sorlukkut isikkullu ersiuteqarnermi, qattusuunik anorneqarnermi nakorsaaitit naatsorsuussaavoq.

Pitsaanerulinnikkuit nakorsartinnerpilluunniit aallartinneraniit ullut pingasut ingerlaneranni ajornerulissaguit nakorsaq attavigissavat.

Nakorsap paasissutissiissummi matumani pineqartumit allaasumut nakorsaasiussinnaammagu allatulluunniit annertussusilersinnaammagu tamatigit nakorsap inassuteqaataa annertussusissaatut allagartaliussami paasissutissiissut malissavat.

2. Cetirizin Teva nakorsaasiutsinnagu ilisimasassat

Cetirizin Teva nakorsaatigissanngilat:

- Cetirizindihydrochlorid akuisaluunniit arlaat saperukku (imm. 6-imi taaneqartut) imal. hydroxyzin piperazinderivatilluunniit saperukkit (nakorsaitini allani nakorsaitaasunut assingusut).
- Perulunnartumik tartuluuteqaruit (quumik misissuinermi (kreatininclearance) 10 ml/min ataasimappagu)

Mianersoqqussutit

Tartulukkuut nakorsaq isumasioqqaassavat; pisariaqarpat annikinningorlugu nakorsaatigissavat. Annikillinissaa nakorsamit aalajangiivigineqassaaq.

Quisarnerit ajornartorsiutigigukku (ass. qiteralikkut ajornartorsiuteqaruit imal. quup aqqutaani qinersinnik nakatsunnilluunniit ajornartorsiuteqaruit), nakorsaq siunersiussavat.

Noqartarnermik nappaateqaruit noqarsinnaaguilluunniit nakorsaq isumasioqqaassavat.

Sapigaqarnermut ammikkut misissortissaguit nakorsaq Cetirizin Teva-mik nakorsaaateqarninnik ilisimatissavat. Nalinginnaasumik misissortinnissat sioqqullugu ulluni pingasuni nakorsaatigissanngikkallarpat.

Cetirizin-ip nalinginnaasumik annertussusillip imigassallu (0,5 promille viinnip imertarfiup imaata nalinga) imminnut pingaarutilimmik sunneeqatigiittarnerannik siumuisoqarsimanngilaq. Cetirizin-imilli annertunerumik atuinermi imigassartornerup isumannaassusaanut tunngatillugu paasissutissanik pissarsiassaqqanngilaq. Sapigaqarnermut nakorsaatit allat assigalugit imigassamut akuliullugit atornaveersaaqquneqarput.

Saniatigut allanik nakorsaatitoruit

Allanik nakorsaatitugaqaruit qanittukkulluunniit nakorsaatitorsimaguit nakorsaq nakorsaatilerisorluunniit tamatigut ilisimatissavat.

Cetirizin-ip sananeqaataa pissutaalluni nakorsaatinut allanut akuliulluni sunniisinaanissaa naatsorsuutigineqanngilaq.

Cetirizin Teva nerisanut imikkanullu akuliullugu

Cetirizin nerisanut akuliullugu timimut sunniussinanaera sunnerneqartanngilaq.

Naartuneq milutitsinerlu

Naartuguit milutitsiguilluunniit, naartusoriguit naartulersaarulluunniit nakorsaat atulersinnagu nakorsaq isumasioqqaaruk.

Cetirizin Teva nakorsaatit allatulli naartusunit atornaveersaagassaavoq. Nakorsaatip naartusunit ilaannikkuinnaq atorneqarnera naartumut ajoqusiisariaqanngikkaluaq, nakorsaatitorneq taamaatinneqartariaqarpoq.

Cetirizin Teva arnap immuanut akuliuttarmat milutitsininni nakorsaatigissanngilat.

Angallannikkut -suliffimmilu isumannaallisaaneq

Cetirizin Teva annertussusissaa innersuunneqartut atoraanni ukkassilluarsinnaannginnee, eqeersimaannginnee biilinilluunniit ingerlatsisinaanermik ajornartorsiuteqaneq misissuinikkut takussutissartaqanngilaq.

Biilimik ingerlatsiniaruit, ulorianarsinnaasunik suliaqarniaruit maskiinanilluunniit ingerlatsiniaruit, annertussusissat innersuussaq sinnissanngilat. Nakorsaatip ilinnut sunniutaa maluginiaqqissaassavat.

Malussarissuuguit imigassamik nakorsaatinillu allanik qitiusumik sianiuteqarfinnut sunniutilinnik saniatigut atuinerup malussarissutsinnut qisuariarsinnaassutsinnullu sunniuteqarsinnaanera malugissavat.

Cetirizin Teva iisartakkat iijuminarsakkat lactose-mik akoqarput. Nakorsap sukku arlaannik sapigaqarninnik oqaluttuussimappatit, nakorsaat atulersinnagu nakorsaq attavigeqqaaruk.

3. Cetirizin Teva ima atornegassaaq

Iisartakkat Cetirizin Teva nakorsap innersuussutaa naapertoqqissaarlugu atortakkit. Nalorniguit nakorsaq nakorsaaterisorluunniit aperiuk.

Qanoq ilinerani qanorlu ilillutit Cetirizin Teva nakorsaatit atussaviuk?

Cetirizin Teva-mik nakorsaateqarnissamut nakorsaq allamik maleruaqqusaqanngippat, maleruaqqusat makku atuupput. Maleruaqqusat malissavatit taamaanngippammi Cetirizin Teva-ip sunniutaa annikinnerussaaq:

Iisartakkat immiartorfiup imaanik iggiserlugit iineqassapput.

Inersimasut meeqqallu aqqaneq marluk sinnerlugit ukiullit:
Iisartagaq ataaseq (10 mg) ullormut ataasiarlugu.

Meeqqat arfinillit aqqaneq marlullu akornanni ukiullit:
Iisartakkap affaa (5 mg) ullormut marloriarlugu.

Tartuluttut

Akunnattumik tartuluutilinnut ullormut iisartagaq 5 mg innersuussutaavoq.

Peruluutaasumik tartuluuteqaruit, nakorsaq nakorsaaterisorluunniit nakorsaatitukkavit sakkortussusaanik nalimmassaasusaaq attavigissavat.

Meeqqat tartuluuteqarpat nakorsaq nakorsaaterisorluunniit meeqqavit pisariaqartitaa naapertorlugu nakorsaatip sakkortussusaanik nalimmassaasinnaasoq attavigissavat.


Nakorsaaseeriaaseq

Iisartagaq avinneqarsinnaavoq.

Cetirizin Teva ima atussavat

Cetirizin Teva avissagukku imaaliussaait:

Iisartagaq aviffissaa qallinngorlugu manissumut manngertumut iliuk (nerrivimmu puuguttamulluunniit). Aviffissaata talerpiata saamiatalu tungaata sinai ataatsikkut tikinnik kullunnilluunniit tuukkit (ataani takutinneqartutut) pilertortumillu naqillugit.



Cetirizin Teva-p sunniutaa sakkukippallaatut sakkortuallaatulluunniit misigisukku nakorsaq attavigissavat.

Nakorsartinnerup sivissusaa:

Qanoq siviutisumik nakorsartinnissannut nappaammut ersiutivit qanoq ittuunerat, qanorlu siviutisumik atuussimanerat apeqqutaassaaq. Nakorsartinnerup sivissusissaa nakorsamit aalajangerneqassaaq.

Cetirizin Teva ingasaassimagukkit

lisartakkanik Cetirizin Teva-inik matumani allassimasuniit nakorsalluunniit maleruaqqusaaniit Ingasaassimaguit peqqiillioruillu nakorsaq, ajoqusersimasunut nakorsiartarfik nakorsaatilerisorluunniit attavigiuk.

Nakorsap pisariaqassappat qanoq iliuuseqartoqarnissaa aalajangiivigissavaa.

Ingasaassimaguit ersiutit ataani pineqartut sakkortunermik sunniutissapput. Kingunerluutit ilaatigut makkuusut nalunaarutigineqarsimapput: paatsiveerusimaarneq, timminneq, uissannguneq, qasoqqaneq, niaqorlunneq, peqqiillorneq, tappiutit allinerat, ungillerneq, toqqissiveqannginneq, puunganeq, uernarneq, qerataneq/malugisaarunneq, uummatip tillerululernera, sajunneq quiniarnerullu ajornartorsiutaanera.

Cetirizin Teva puigorsimagukku

Puigorsimasoralugu marloriaammik atuissanngilatit.

Cetirizin Teva taamaatikku

Nalorniguit nakorsaq nakorsaatilerisorluunniit aperiuk.

4. Kingunerluutit

Cetirizin Teva nakorsaatit allatulli kingunerluuteqarpoq inuilli tamarmik kingunerluuteqartitsisangillat. Nioqqutigineqalereernerani kingunerluutit nalunaarutigineqartut qanoq akulikitsigisumik atugaanerit ima nassuiarneqarpoq:

Kingunerluutit navianaatillit:

Qaqutigooqisut (nakorsartittunit 1.000-iniit ataatsip pallittunit misigineqarsinnaasartut)

Sapigaqarnermut qisuariaatit (ass. kalisattumik anersaartornermik, anernikilliornermik, aniornininnermik, sapigaqarnikkut qattusuunik aniornininnermik ersiutitallit).

Qaqutigooqisut (nakorsartittunit 10.000-iniit ataatsip pallittunit misigineqarsinnaasartut)

sapigaqarnermut qisuariaatit navianaatillit kiinnap iggissallu pullalernerannik kinguneqartut (angioødem).

Sapigaqarnermut ersiut siulleq takkuppatt Cetirizin Teva taamaatissavat. Tamatuma kingorna sapigaqarnerpit sakkortussusaa nakorsap naliliivigissavaa saniatigullu iliuusissat suut pisariaqarnerat aalajangiivigalugu.

Uku arlaannik arlallinnilluunniit ersiuteqalissaguit ingerlaannaq nakorsamut oqaatigikkit:

Qaqutigooqisut (nakorsartittunit 1.000-iniit ataatsip pallittunit misigineqarsinnaasartut) noqarneq

Qaqutigooqisut (nakorsartittunit 10.000-iniit ataatsip pallittunit misigineqartartut)

Aap akuisa issortitsisartut ikilinerisigut ass. aanaartoqarnera, tilluusarneq, ammip aappalunnersaninnera, piussuseringisamik timip aalalersarnera, pissusissaanngitsumik siviisumik nukiiit noqartarnerat.

Ilisimaneqanngitsut (paasissutissat pigineqartut tunngavigalugit akulikissusaat aalajangerneqarsinnaanngitsut) imminut toqunnissamik eqqarsarneq (imminut toqunnissamik eqqarsaatit takkuttartut imal. imminut toqunnissamik eqqarsartuarneq).

Kingunerluutit allat:

Nalinginnaasut: nakorsaatitortut qulit akornanni ataatsip qulillu akornaniittunit misigineqarsinnaasut) Panertoorneq, merianguneq, timminneq, uissannguneq, niaqorlunneq, puunganeq, toqqusaarlunneq, nuffaserneq kakkilertanermik ilalik (meeqqani)

Nalinginnaangitsut (nakorsartittut 100-it akornanni ataatsip pallittunit misigineqarsinnaasut) naarlunneq, qasoqqarujussuarneq, iluaalliorneq, ammikkut malussarsinnaassutsip pissusissamisoorunnaarnera, toqqissiveqannginneq, ungillerineq, aniornininneq.

Qaqutigootut (nakorsartittut 1000-it akornanni ataatsip pallittunit misigineqarsinnaasut) Pissusissamisuumngitsumik tillerit sukkatsinnerat, timip immannera, tinguup pissusissamisuumngitsumik sulinera, oqimaallineq, kamajaneq, paatsiveerusimaneq, nikallunganeq, takorruineq/ tusaasuusineq, sinissaaleqineq, sapigaqarnikkut qattusuunik aniornininneq.

Qaqutigooqisut (nakorsartittut 10.000-it akornanni ataatsip pallittunit misigineqarsinnaasut) Isigisat ersernerlussinnerat imal. ukkassisinnaanerup annikillinera, isigisat isortinnerat, isit nukiisa noqarnerisigut aqunneqarsinnaanatik isit kaaviinnalernerat, sianigisaarutitsiarneq, sajunneq, mamassutsimik malussarsinnaassutsip allannguuteqarnera, piumasuserinngisamik nukiit eqikkaqattaarnerat (tics) Quisarnerup pissusissamisoorunnaarnera (siniffimmi quisoortarneq, anniarneq aamma/imal. quiniarnerup ilungersunarnera) nakorsaammik patsiseqartumik immikkuullarissunik aniornininneq.

Ilisimaneqanngitsut (paasissutissat pigineqartut tunngavigalugit akulikissusaat aalajangerneqarsinnaanngitsut) eqqaamasaarunneq, eqqaamasinnaalluanninneq, nererusunneq, uissannguneq (suut tamarmik kaavittutut misigiginerat) Quiniarnerup ilungersunarnera immaqalu quisinnaajunnaarneq (nakatsup imaarluarsinnaannginnera).

Kingunerluutininik nalunaaruteqarnissaq

Kingunerluuteqaruit matumaniluunniit taaneqanngitsumik kingunerluuteqalissaguit, nakorsaqaq, peqqissaasoq nakorsaatilerisorluunniit attavigiuk.

Illit ilaqqatilluunniit kingunerluutit pillugit toqqaannartumik Lægemedelstyrelsimut www.meldenbivirkning.dk imal. Lægemedelstyrelsi mailikkut dkma.dk imal allakkatigut nalinginnaasutigut Lægemedelstyrelsen, Axel Heides Gade 1, 2300 København S. attavigalugu nalunaaruteqarsinnaavusi. Kingunerluutininik nalunaaruteqarnikkut nakorsaatip isumannaassusaanut paasissutissanik annertunerusunik pissarsinissamat ikiutissaatit.

5. Sumiitinnissaat

- Nakorsaatit meeqqat inorsillugit inissinneqassaput.
- Atorneqarfissaannut killiliussaqaq puuani allasimasoq qaammat naareersimappat atorneqassanngillat.

Nakorsaatip sumiitinnissaa immikkut piumasaaqatitaqanngilaq.

Nakorsaaitit sinnerisa qanoq iliornissaat pillugu nakorsaataasivik aperiuk.
Avatangiisit illersorniarlugit nakorsaaitit sinnerinik kuuffimmut, anartarfimmut eqqaavimmulluunniit igitseqinak.

6. Poortat imartussusaat paasissutissallu allat

Cetirizin Teva –ip akui

Nakorsaaitaa: Cetirizindihydrochlorid. Iisartagaq cetirizindihydrochlorid. 10 mg iijuminarsagaq
Akui allat: lactosemonohydrat; cellulose, mikrokrystallinsk; silica, kolloid imermik akuitsoq;
magnesiumstearat, titandioxid (E 171), hypromellose (E 464) macrogol.

Isikkui poortallu imartussusaat

Cetirizin Teva iisartagaq qaqortoq imal. qaqungajattoq, qaarajuttoq tumaasatut ilusilik iijuminarsagaq
muminga quppalik. Iisartagaq 6,5 mm-inik diametereqarpoq

Iisartagaq avinneqarsinnaavoq.

Poortat imartussusaat

PVC/PVDC/aluminiut saattukujuut naqillugit anillatsittakkat.

Imartussusaat: 7, 10, 14, 20, 28, 30, 50, 50x1, 60, 90, 100

Annertussutsilli tamakkerlutik pissarsiaasaanersut apequtaassaaq.

Nioqquteqarnissamut akuersissutilik tunisassiortorlu

Teva B.V.

Swensweg 5 2031

GA Haarlem

Holland

Sinniisoqarfik

Teva Denmark A/S

Vandtårnsvej 83A

2860 Søborg

Tlf.: 44 98 55 11

E-mail: info@tevapharm.dk

Tunisassiortoq

Merckle GmbH

Ludwig-Merckle-Strasse 3

D-89143 Blaubeuren

Tyskland

Nakorsaat nunanit EEA-imi ilaasortaasunit -aqqit uku atorlugit akuerineqarpoq:

Danmark: Cetirizin Teva

Frankrig: Cétirizine Teva Santé Conseil 10 mg, comprimé pelliculé sécable

Holland: Cetirizine diHCl 10 PCH, filmomhulde tabletten 10 mg

Irland: Zynor Allergy 10mg Film-coated Tablets

Italien: TICERIN

Storbritannien: Cetirizine 10 mg Film-Coated Tablets

Sverige: Cetirizine Teva 10mg filmdragerade tabletter

Paasissutissiisut kingullermik nutarterneqarpoq maj 2017